

GOLDEN TOURS

Tuzla

www.goldentours.ba

GOLDEN TOURS TUZLA

tel. 035 249 220/222, 035 258 313, fax. 035 249 223

e-mail: goldentuzla@yahoo.com, goldentuzla@gmail.com;

Južna Anadolija – avionom iz Sarajeva

Diyarbakir – Mardin – Sanliurfa – Gobeklitepe – Adiyaman – Gaziantep – Adana

Polazak: 04.10.2021.

Povratak: 11.10.2021.

Program putovanja

1. Dan 04.10.2021. (Ponedjeljak) SARAJEVO – ISTANBUL – DIYARBAKIR

Sastanak grupe na MA Sarajevo u 10:00 sati. Priprema za let broj PC292 (Pegasus Airlines). Let Sarajevo - Istanbul. Planirano vrijeme leta iz Sarajeva je u 12.00 sati. Dozvoljeni prtljag: 5 kg ručni prtljag + 20 kg predani prtljag. Dolazak u Istanbul planiran je u 14:45 sati. Nastavak leta Istanbul Diyarbakir u 18:50 sati, let broj PC2384. Dolazak u Diyarbakir planiran je u 20:45 sati. Nakon pasoške i carinske kontrole, bus transfer do hotela. Smještaj u hotel. Noćenje.


2. Dan 05.10.2021. (Utorak) DIYARBAKIR - MIDYAT – MARDIN

Doručak. Polazak prema Midyat – u, gradu koji nalazi se na oko 2 sata vožnje od Diyarbakira. Karakteriziraju ga pjeskovite vile okružene visokim zidovima poznatijima kao ‘Konak’ na turskom jeziku. U Midyatu obilazimo stari dio grada i starinsko zdanje Konuk Evi, najvišu točku grada. Nakon toga nastavljamo vožnju prema manastiru Mor Gabriel (manastir Sv.Gabrijela), najstariji postojeći i jedan od najljepših asirskih pravoslavnih manastira iz 4. stoljeća, sa fantastičnom istočnjačkom arhitekturom. Nakon obilaska nastavak putovanja u Mardin. Mardin je, između ostalog, grad specifičan po svom izgledu i lokaciji. Smjestio se na jednoj strani brda gdje su kuće posložene stepenasto, a s njihovih se krovova pruža pogled na nepregledne ravnice nekadašnje Mezopotamije, tj. na doline dviju za civilizaciju značajnih rijeka Eufrata i Tigrisa. Mardin je odigrao važnu ulogu u razvoju kršćanstva i bio je središte sirijske pravoslavne crkve. U njemu stanovništvo čine Arapi, Kurdi, Sirijci i Turci te se govori više jezika: arapski, kurdski i turski. Iz religijske perspektive, riječ je o suživotu dviju vjera jer u Mardinu žive muslimani i kršćani, a razne su kulture prošle ovim gradom. Svaka je od njih za sobom ostavila mnoga remek-djela. U Turskoj je posebno cijenjena Mardinska kuhinja, blizina Bliskog istoka je utjecala na hranu kao i na umjetnost. Mnogo začina uvedeno je iz Arapske kuhinje koji se ovdje koriste puno više nego u ostalim dijelovima Turske, a začinjeni Mardinski kebab je najbolji primjerak te kuhinje. Preporučujemo vam uživanje u kebabu kao i u bureku punjenom mljevenim mesom, grožđicama i nasjeckanim orasima. Smještaj u hotel. Noćenje.

3. Dan 06.10.2021. (Srijeda) MARDIN - SANLIURFA

Doručak. Odjava iz hotela. Mardin koji se nalazi na historijskom putu svile jedan je od najstarijih gradova i naselja u sjevernom dijelu Mesopotamije. Kada pogledate na grad, prvo što vam privlači pažnju su kuće od žutog klesanog kamena. Kada odsjaj sunca udari na žuti krečnjak grad dobije žutu čarobnu boju i zbog toga je dobio naziv „Grad sunca“. Po obilasku Starog grada dolazimo do manastira Deyrul Zafran (“Manastir šafrana”) koji je jedan od najpoznatijih simbola grada. Manastir koji je prvi put izgrađen u V vijeku i koji je sa dodatnim objektima dobio današnji izgled predstavlja vjerski centar pravoslavnih Asiraca. U ovom manastiru je i bilo sjedište sirijske pravoslavne crkve osam vjekova, da bi kasnije bilo premješteno u Damask. Ipak, patrijarhov tron i mnoge druge relikvije ostale su u manastiru. Manastir spolja liči na utvrdu koja tek ulaskom u nju otkriva svoje čari. Nakon manastira posjetit ćemo džamiju Ulu (u prijevodu “svetu džamiju”) koja je drugi simbol Mardina. Ulu džamija koja je jedna od najstarijih očuvanih džamija u Anadoliji izgrađena je u XII vijeku. Sa fantastičnom arhitekturom uljepšava cijeli izgled Mardina. Za idealan završetak obilaska Mardina odlazimo na jugozapadni dio grada u Kasimiye medresu sa interesantnom kupolom i unutrašnjim dvorištem i česmom koja navodno podmlađuje. Nastavak putovanja do Sanliurfa. Smještaj u hotel. Noćenje.





5. Dan 08.10.2021. (Petak) SANLIURFA-NEMRUT-ADIYAMAN

Doručak. Odjava iz hotela. Vožnja prema Harranu, (danas pod zaštitom UNESCO-a) poznatog i po ostacima najstarijeg univerziteta u regiji i biblijskom gradu. Za Haran su karakteristične kuće koje izgledaju kao košnice, izgrađene u kružnom obliku od nepečene opeke, bez upotrebe drveta, i zasvođenim krovom. Oblik ovih kuća osigurava hladnoću i svježinu, prijeko potrebnu ljudima Haranskog podneblja koji su izloženi velikim vrućinama, ali i toplinu tokom hladnih dana. Iako izvana ove kuće izgledaju male, iznutra zapravo se vidi njihova prava veličina i prostranost, a u njima su nekada živjele mnogobrojne obitelji. Smatra se da ovakav način gradnje kuća potiče od Bantu naroda. Nastavak putovanja prema Adiyamanu. Vožnja predjelima pokraj rijeke Eufrat gdje je 1977. god. izgrađena prva **hidroelektrana "Ataturk"** koja je vrlo važna za razvoj poljoprivrede ove regije s obzirom da osigurava značajne količine vode, ribe i električne energije. Nastavak putovanja prema mjestu **Kahta** gdje ćemo običi izuzetno očuvani, lučni kameni most rimskog cara Septimija Severa. Most je sagradio rimski general stacioniran u Samsatu (antička Samostata) i posvetio ga tadašnjem rimskom caru Septimiju Severu, carevoj drugoj ženi – carici Juliji Domini (djevojci porijeklom iz Sirije – nedaleko od ovih krajeva), i njihovoj dvojici sinova Karakali i Geti. Nakon obilaska nastavak vožnje do polazne tačke za uspon na Nemrut. **Nemrut** ili Nemrud je 2.134 metra visoka planina, a je najpoznatija je po arheološkim ostacima velikog broja skulptura u blizini njezina vrha za koje se vjeruje kako su ostaci kraljevske grobnice Antioha I. Komagenskog iz 1. stoljeća pr. Kr. Same statue prikazuju grčko-persijski panteon božanstava. Na vrhu ćemo dočekat zalazak sunca i prošetati po nalazištu. Na križanju istočne i zapadne civilizacije, planina Nemrut je zasigurno jedno od najveličanstvenijih lokaliteta. Nakon obilaska Nemruta dolazak u Adiyaman. Smještaj u hotel. Noćenje.

6. Dan 09.10.2021. (Subota) ADIYAMAN – HALFETI - GAZIANTEP

Doručak. Odjava iz hotela. Polazak u Gaziantep. Vozimo se pored nepreglednih plantaža pistacija. Sjeveroistočno od Gaziantepa, na rijeci Eufrat nalazi se mjesto **Eski Halfeti**. Vrlo često služi kao scenografija popularnih turskih serija. Ploviti ćemo po predivnom klancu rijeke, a za vrijeme plovidbe vidjeti ćemo brojne polupotopljene kuće, drveće, džamije, kulturne spomenike. Na jednom od vrhova vidjeti ćemo i ostatke **Rimske tvrđave** (Rum Kale), a dalje i potopljeno selo **Savaşan Köyü** sa čuvenim u polupotopljenim minaretom **Batik džamije**. Nedaleko od Halfetija na vapnenačkoj stijeni kraje rijeke Eufrat gnijezdi se endemska vrsta ptice, bliskoistočni čelavi ražanj – vrsta ibisa koja je pred izumiranjem. Nastavljamo do **Zeugma – muzeja mozaika**, najveći je to muzej ove vrste u svijetu. Nastavak putovanja prema Gaziantepu, prijestonici kulinarstva i gradu gastronomije, kojeg njegovi stanovnici zovu samo Antep. Ako pitate Turke za Gaziantep, svi će odmah početi pričati o baklavi. Zbog raznovrsne i ukusne kuhinje, UNESCO je 2015. godine Antep stavio na listu kreativnih gradova svijeta. Kada je riječ o kulinarstvu Turska prijestolnica baklave potpuno je opravdala ovaj status, jer je prema nekoj slobodnoj procjeni u centralnom dijelu grada otprilike svaka peta trgovina baklavdžinica (ima ih preko 180) i pravo je čudo kako sve opstaju. Smještaj u hotel. Noćenje.

7. Dan 10.10.2021. (Nedjelja) GAZIANTEP – ADANA

Doručak. Nakon doručka odjava iz hotela i polazak za Adanu. Grad je smješten u srcu ravnice Cukurova, četvrti najveći turski grad Adana ima povijest koja seže čak u 7. tisućlje prije Krista. Mnogobrojne civilizacije koje su okupirale i dominirale zemljom ostavile su slojeve arheološkog blaga, tragove složene prošlosti regije. Dok ljubitelji prirode mogu uživati u istraživanju ruševina drevnih gradova, ljubitelji prirode odmaraju disanje hladnog i čistog zraka na padinama i visoravnima planine Taurus. Obilazak Adane. Smještaj u hotel. Noćenje.

4. Dan 07.10.2021. (Četvrtak) SANLIURFA - GOBEKLITEPE

Doručak. Nastavak puta nas vodi ka **arheološkom nalazištu Göbekli Tepe** (turski za "trbušasto brdo"). Otkriće Göbekli Tepe, mjesta koje je UNESCO uvrstio na Listu svjetske kulturne baštine, dovelo je u pitanje dosadašnja saznanja o prahistorijskim vremenima. Kada je 1994. godine Nijemac Klaus Schmidt u Turskoj otkrio ovo drevno svetište, barem dvostruko starije od bilo čega sličnog na svijetu, čak 7.000 godina starije od Stonehengea ili 5.500 od prvih gradova u Mezopotamiji, svi su bili u šoku. Kompleksne isklesane obredne stijene sa slikama životinja potječu iz 9000. godine pr. n. e., dakle iz vremena prije nego što su ljudi počeli obrađivati zemlju. Povratak u Şanlıurfa. Polazak u razgled grada koji svojim ulicama, kućama, bazarima, kupalištima, fontanama, mostovima, džamijama, dvorcima i gradskim zidinama djeluje poput „muzeja na otvorenom“. Nazivali su ga i „gradom proroka“ jer su u njemu živjeli razni proroci poput Abrahama, Jakova, Jobe i Elihe. Posjetit ćemo muzej u kojem možemo vidjeti najstariji kip na svijetu, a zatim odlazimo do **muzeja Halepli Bahce** u kojem se nalaze ostaci iz rimskog doba. Za kraj ćemo posjetiti pećinu u kojoj je rođen prorok Abraham, **te Balikli gol**, mjesto gdje ga je kralj bacio u vatru. Povratak u hotel. Noćenje



8. Dan 11.10.2021. (Ponedjeljak) ADANA – ISTANBUL - SARAJEVO

Doručak. Nakon doručka odjava iz hotela Vožnja do aerodroma Adana. Prijava za let broj PC2087, na relaciji Adana – Istanbul, let u 12:55 sati. Dolazak u Istanbul planiran je u 14:20 sati. Nastavak leta na relaciji Istanbul – Sarajevo, planiran je u 16:10 sati, let broj PC293.

NAPOMENA: Putnici predaju prtljag na aerodromu.

Adana, a preuzimaju na aerodromu Sarajevo. Dozvoljena težina prtljaga do 20 kg + 5 kg ručnog prtljaga. Dolazak u Sarajevo planiran je u 17:05 sati. **Kraj usluge**



Cijena 1.349,00 KM

za rezervacije do 30.06.2021.

Svi obilasci i aerodromske takse uključeni u cijenu!

Cijena uključuje:

Avio prevoz Sarajevo-Istanbul-Diyarbakir i Adana-Istanbul-Sarajevo (Pegasus Airlines), 1 noćenje s doručkom u hotelu 4* (lokalna kategorizacija u Diyarbakiru. 1 noćenje s doručkom u hotelu 4* (lokalna kategorizacija) u Mardinu, 2 noćenja s doručkom u hotelu 4* (lokalna kategorizacija) u Sanliurfi, 1 noćenje s doručkom u hotelu 4* (lokalna kategorizacija) u Adiyamanu, 1 noćenje s doručkom u hotelu 4* (lokalna kategorizacija) u Gaziantepu, 1 noćenje s doručkom u hotelu 4* (lokalna kategorizacija) u Adani, svi bus transferi prema programu putovanja, svi razgedi i posjete planirane programom putovanja, vožnja brodom po jezeru Halfeti, minibusevi za odlazak na planinu Nemrut, licencirani lokalni vodič na našem jeziku tokom cijele ture, troškove rezervacije i organizacije putovanja.

Cijena ne uključuje:

- Obavezno međunarodno grupno putno zdravstveno osiguranje 15,00 KM (za osobe od 65 do 75 godina iznosi 30,00 KM), doplata za 7 večera iznosi 175,00 KM, doplata za 1/1 sobu 320,00 KM, troškove PCR testa ukoliko bude bio potreban za putovanje.

Plaćanje: Za potvrdu rezervacije potrebna je uplata u iznosu od 40% iznosa odmah, a ostatak iznosa minimalno 20 dana do polaska.

Napomena:

Za putovanje važe sve preporuke u vezi sa COVID-19. Do datuma polaska na putovanje moguće su promjene uslova putovanja u vezi s COVID-19.

Preporučujemo policu osiguranja od otkaza putovanja.

Napomena:

Golden tours doo Tuzla nije ovlašten i nije u mogućnosti da cijeni valjanost putnih isprava putnika prijavljenih za putovanje. Svaki putnik odgovoran je za ispravnost svojih isprava.

Sa potpisom rezervacije ili sa uplatom rezervacije (avansa) putnik je saglasan da prihvata opšte uslove o organizovanju putovanja Golden tours doo Tuzla, i samim time prihvata sve otkazne rokove i troškove otkaza koji su navedeni u opštim uslovima o organizovanju putovanja Golden tours doo Tuzla koji se nalaze na stranici www.goldentours.ba a koji se odnose na interkontinentalna putovanja.

Organizator putovanja Golden tours doo Tuzla nije odgovoran za eventualna kašnjenja letova pa tako i za kasniji dolazak u hotel.

Program raden na bazi minimalno 30 putnika. U slučaju manjeg broja putnika cijena programa se uvećava za 100,00 KM.

Uz ovaj program putovanja i cjenovnik primjenjuju se Opšti uslovi o organizovanju putovanja propisani od strane organizatora putovanja Golden tours doo Tuzla, a koji se nalaze na www.goldentours.ba

Tuzla, 08.04.2021.

Golden Tours d.o.o., Tuzla, Maršala Tifa 2A-2B, Tuzla, Bosna i Hercegovina

ID broj: 4209965790005

PDV broj: 209965790005

Broj licence: 01/15

Transakcijski račun

Sber banka d.d., BiH,

broj računa: 1404010022481185

SWIFT CODE: VBSABA22

IBAN CODE: BA391404010022481185